

Broj: 03-04-1736-21/24
Sarajevo, 18.11.2024. godine

PARLAMENT FEDERACIJE BOSNE I HERCEGOVINE
Zastupnički dom

n/p gosp. Ivanu Miličeviću, tajniku ✓
n/p gđi Marijani Hrvić-Šikuljak, zastupniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Org. jed.	Broj	Priloga	Vrijednost
05/1	-02-	569	/24

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u pritvku Vam dostavljam akt Federalnog ministarstva obrazovanja i nauke, broj: 03-34-5382-1/24 od 15. studenog 2024. godine, koji se odnosi na zastupničko pitanje zastupnika Marijane Hrvić-Šikuljak.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

11775

Broj: 03-34-5382-1/24
Mostar, 15.11.2024. godine

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Hamdije Čemerlića 2
71 000 Sarajevo**

PRIMLJENO: 18.11.2024			
Organizaciona jedinica	Klasifikacione oznake	Redni broj	Broj prijloga
03-04	-	1736	21/2024

PREDMET: Zastupničko pitanje gđe Marijane Hrvić-Šikuljak - odgovor, dostavlja se

VEZA: Vaš akt broj 03-04-1736-21/24 od 28.10.2024. godine

Poštovani,

Federalno ministarstvo obrazovanja i nauke je zaprimilo vaš akt, broj i datum veze, u prilogu kojeg ste nam dostavili zastupničko pitanje koje je postavila zastupnica Marijana Hrvić-Šikuljak na 14. redovnoj sjednici Predstavničkog doma Parlamenta Federacije BiH održanoj 22.10.2024. godine.

Zastupnica Marijana Hrvić-Šikuljak je postavila sljedeća pitanja:

„Kada ćemo imati Strategiju za mlade Federacije BiH 2024-2027 na dnevnom redu Predstavničkog doma Parlamenta Federacije?“

Da li je tačno da HDZ ne dozvoljava da se riješi pitanje „dvije škole pod jednim krovom u školama u Federaciji BiH?“

S obzirom na to da je Federalno ministarstvo kulture i sporta nosilac aktivnosti izrade Strategije za mlade Federacije BiH, te uvažavajući činjenicu da je federalna ministrica kulture i sporta gđa Sanja Vlasisavljević tokom 14. redovne sjednice Predstavničkog doma Parlamenta Federacije BiH, održane 22.10.2024. godine, odgovorila na ovo pitanje Federalno ministarstvo obrazovanja i nauke neće odgovarati na isto.

Kada je riječ o drugom postavljenom pitanju koje se odnosi na „dvije škole pod jednim krovom u Federaciji BiH“ Federalno ministarstvo obrazovanja i nauke je još 2012. godine izradilo „Model ujedinjenja i eliminiranja paralelnih struktura u odgojno-obrazovnim ustanovama u Federaciji BiH“, s ciljem da se pomogne nadležnim kantonalnim ministrstvima obrazovanja gdje je prisutan fenomen „dvije škole pod jednim krovom“, kako bi na osnovu istog razvili konkretne akcijske planove za potpunu integraciju škola u tim kantonima. Vođeno tim ciljem Federalno ministarstvo obrazovanja i nauke je 2012. godine i dostavilo izrađeni Model svim kantonalnim ministrstvima obrazovanja na znanje i dalje korištenje. Krajem 2014. godine održana je tematska sjednica Koordinacije ministara obrazovanja i nauke u Federaciji Bosne i Hercegovine na kojoj je razmatrano pitanje uklanjanja svih oblika diskriminacije i segregacije u obrazovanju, posebno kada je riječ o područjima gdje je prisutan fenomen „dvije škole pod jednim krovom“. Tom prilikom, Koordinacija ministara obrazovanja i nauke u Federaciji BiH pozvala je sve nadležne obrazovne vlasti u našoj zemlji da zajedničkim aktivnostima iznađu načine kako bi se konačno ukinula praksa segregacije i diskriminacije u obrazovanju, te svakom djetetu omogućila jednaka prava i dostojanstvo u obrazovnom sistemu naše zemlje.

Pored navedenog, potrebno je navesti i to da je Federalno ministarstvo obrazovanja i nauke niz godina među kriterijima za dodjelu sredstava tekućih transfera u okviru određenih

programa imalo i kriterije kojima se podržava administrativno-pravno ujedinjavanje 'dvije škole pod jednim krovom' i prilagođavanje školskih prostorija za realizaciju istog, kao i kriterije kojima se doprinosi uklanjanju svih oblika diskriminacije i segregacije u obrazovanju u Federaciji BiH.

Ipak, kada je u pitanju rješavanje pitanja „dvije škole pod jednim krovom“ u sredinama gdje takve škole postoje, nadležnost je na kantonalnim ministarstvima obrazovanja. Dakle, Federalno ministarstvo obrazovanja i nauke može predlagati mjere, izrađivati prijedloge aktivnosti za administrativno-pravno ujedinjenje i integraciju podijeljenih odgojno-obrazovnih struktura te staviti na raspolaganje svoje kadrovske i druge resurse, ali prema članu III.4. Ustava Federacije BiH, kantoni su nadležni za utvrđivanje obrazovne politike, uključujući donošenje propisa o obrazovanju i osiguranje obrazovanja, te je u nadležnosti kantona rješavanje pitanja „dvije škole pod jednim krovom“.

S poštovanjem,



MINISTRICA

Jasna Duraković
prof. dr. Jasna Duraković

Dostavljeno:

- naslovu
- a/a